



Headlines

- उपराज्यपाल मनोज सिन्हा होरें श्रीनगर च नमे सिरेआ त्यार कीते गेदे अमीरा कदल पैदल पुल दा उद्घाटन कीता।
- मुख्मन्त्री उमर अब्दुल्ला होरें अज्ज बक्ख-बक्ख मैहकमें कन्नै बजट शा पैहली आहली बैठकां लाइयां।
- सुरक्षाबलें बारामुला च आई.ई.डी दा समेंसिर पता लाइयै इक बड्डे हादसे गी टालेआ।
- किशतवाड़ च आतंकवादिणं दा पता लाने लेई बड्डे पैमाने पर तपाशी अभियान त्रीए रोज बी जारी, केई लोकें गी पुच्छ-गिच्छ आस्तै हिरासत च लैता गेआ।
- चांदी दा भाऽ फही किलो 3 लक्ख 20 ज्हार रपे पुजेआ, वैश्विक उथल-पुथल दे चलदे सुन्ने दी कीमत च बी बड्डा उछाल, फही 10 ग्राम 1 लक्ख 48 ज्हार रपे तोड़ी पुजेआ।



LG-Pedestrian

उपराज्यपाल मनोज सिन्हा होरें अज्ज श्रीनगर च नमें सिरेआ बनाए गेदे पैदल चलने आहले अमीरा कदल पुल दा उद्घाटन कीता ते आखेआ जे इस परियोजना दा मकसद शैहरै दे विरसे गी अज्जै-कल्लै दियें सहूलतें कन्नै रलाइयै इक जीवंत थाहर दे रूपै च विकसित करना ऐ। पुल दे उद्घाटन मगरा पत्रकारें कन्नै गल्लबात करदे होई एल.जी होरें आखेआ जे श्रीनगर स्मार्ट सिटी पैहलकदमी तैहत शुरू कीती गेदी इस परियोजना दा मकसद शैहरै दे रिवायती स्वरूपगी आधुनिक बुनियादी ढांचे कन्नै रलाइयै सांस्कृतिक ते सार्वजनिक थाहर दा निर्माण करना ऐ। उनें गलाया जे इयां ते एहू पुल सदियां पराना ऐ, पर 2023 च इसी नमे सिरेआ त्यार करने दा कम्म स्मार्ट सिटी प्रोजेक्ट तैहत शुरू कीता गेआ हा तां जे एहू यकीनी बनाया जाई सकै जे मौजूदा समें दी जरूरतै स्थाबै इसी त्यार करने दे कन्नोकन्नी प्राचीन विरसे गी बी कन्नै रलाया जा। इस मौके पर बोलदे होई एल.जी होरें आखेआ



CM Pre Budget

मुख्मन्त्री उमर अब्दुल्ला होरें अज्ज बक्ख-बक्ख मैहकमें कन्नै बजट शा पैहले आली बैठका लाइयां तां जे लोकें दी जरूरतें ते आसं-मेदें दा आंकलन कीता जाई सकै। इस दरान जम्मू-कश्मीर आस्तै लोक केंद्रित पैहलकदमियां, बवस्थित तरीके राहें सेवा उपलब्ध करोआने ते समावेशी विकास पर बी ध्यान केंद्रित कीता गेआ। 22 जनवरी तगर लग्गने आली इनें बैठकें च वित्त, बिजली, शिक्षा, सेहत, सैलसफा, समाज कल्याण, राई-बाई, ट्रांसपोर्ट ते उद्योग सने प्रमुख मैहकमें दे बजट प्रस्तावें दी समीक्षा कीती जाहगा। इनें चर्चाणं दा मकसद पूरे केंद्र शासित प्रदेश च औंदे माली बरें लेई पैहें दे आवंटन गी मुकदा रूप ते योजनाएं गी असरदार तरीके राहें तोड़ चाढना ऐ।



IED Found

सुरक्षाबलें अज्ज श्रीनगर बारामूला जरनैली शिडकै पर इक I.E.D दा पता लाइयै उसी कामयाबी कन्नै समेंसिर नकारा करी दित्ता जेदे कन्नै कुसै बी माड़ी घटना थमां बचा होई गेआ। I.E.D गी सुरक्षाबलें दे गश्ती दल नै दिक्खेआ हा। पता लग्गने दे बाद इलाके गी फौरी तौरा पर घेरी लैता गेआ ते एहतियात दे तौरा पर हाइवे पर बी आमदोरफ्त गी रोकी दित्ता गेआ। बम्ब निरोधक दस्ते नै मौके पर पुज्जियै I.E.D गी नकारा कीता। ध्यानजोग ऐ जे एहू घटना 26 जनवरी आले समारोहें कोला किश चिर पैहले सामने आई ऐ जेदे मद्देनजर कश्मीर घाटी च सुरक्षा दे बंदोबस्त होर बी पुख्ता करी दित्ते गए न तां जे कुसै बी माड़ी घटना थमां बचा कीता जाई सकै।



Security Rajouri

नियंत्रण रेखा यानि एल.ओ.सी कन्नै लग्गने आले सरहदी जिले राजौरी गी 26 जनवरी आले समारोहें कोला पैहले सख्त सुरक्षा बंदोबस्त हेठ रक्खेआ गेआ ऐ। ध्यानजोग ऐ जे बन्ने कन्नै लग्गने आले इस जिले दा बड़ा मता सामरिक महत्व ऐ कीजे बन्ने दे इन्ने नेडे होने कारण उत्थे शांति भंग करने दा खतरा बने दा रौहंदा ऐ। उआं सुरक्षाबलें आसेआ लगातार सतर्कता ते कीते गेदे सक्रिय उपाएं, इस चाल्ली दे जतनें गी लगातार नाकाम कीता ऐ ते इस खित्ते च स्थिरता ते रमानदारी गी बनाई रक्खेआ ऐ। इस्सै सिलसिले च 26 जनवरी कोला पैहले जिले दी सभनें तहसीलें च सुरक्षा बंदोबस्त होर तगडे करी दित्ते गए न। पेश ऐ इस बारै इक खास रिपोर्ट



Rajma Chol Brand

करसान उद्यमिता गी इक बड्डा बाद्दा दिंदे होई राई-बाई ते करसान कल्याण मैहकमा डोडा ने जिला प्रशासन दे सैहयोग कन्नै “राजमा चोल” नां दे ब्रांड मार्के गी भद्रवाह विंटर कार्निवल-2026 च जारी कीता। एह ब्रांड मार्का भद्रवाही राजमा- जेहडे अपने बखरे स्वाद ते उच्च पोषण आस्तै मशहूर न- दा प्रतीक ऐ। इस पैहलकदमी कन्नै करसानें गी अपने उत्पाद दी बेहतर ब्रांडिंग- बजारें तोहड़ी पुज्ज ते अपनी औंदन बधाने च मदद थहोग ते कन्नै गै एहदे राएं जिले दी राई-बाई आहली पंछान बी निग्गर बनोग।



ते हुन बाकि दिएं खबरें कन्नै पूजा वजीर।

Search Operation

किश्तवाड़ जिले दे उप्परले इलाके च आतंकवादिएं गी खदेडने आस्तै तपाशी अभियान त्रीए ध्याडे पुज्जी गेआ ऐ ते किश लोकें गी सवाल जोआब आस्तै हिरासत च बी लैता गेआ ऐ आकाशवाणी जम्मू संवाददाता नै जानकारी दित्ती ऐ जे आपरेशन ऐतवारें छात्रु बेल्ट च मंद्राल सिंघपोरा दे कश सोनार ग्रांस च शुरू कीता गेआ हा जिस दरान गोलीबारी शुरू होई गेई जेदे च 1 पैराट्रूपर शहीद होई गेआ ते 7 दुए घाऽल होई गए न। आतंकवादी घने जंगलें च छप्पी गए पर उन्दे ठिकाने दा पता लाई लैता गेआ ऐ जित्थे स्याले आस्तै पूरा बंदोबस्त जियां खाने-पीने दा

समेयान, कंबल, भांडे वगैरा रक्खे गेदे हे। आई.जी.पी जम्मू प्रांत भीम सेन टूटी ते आई.जी.सी.आर.पी.एफ जम्मू आर गोपाला कृष्णा राव सने कई वरिष्ठ अधिकारी टाकरे आहली थाहर पुज्जे ते किश सेना अधिकारिएं कन्नै आपरेशन दी दिक्ख-रिक्ख आस्तै उत्थे गै मौजूद न।

<><><><><><>

Silver Surge

चांदी की कीमतें च उछाल मंगलवारें दर्ज कीता गेआ। चांदी की कीमत 3.2 लक्ख रपे किलो पुज्जी गई ऐ ते सुन्ने दा भाऽ 1 लक्ख 48 ज्हार रपे फही 10 ग्राम पुज्जी गेआ ऐ। सोमवारें चांदी की कीमत पैहली बारी 3 लक्ख शा पार होई ते 3 लक्ख 10 ज्हार 275 रपे फही किलो दर्ज कीता गेआ। पिछले दो बपार सत्रें थमां चांदी दा भाऽ 32 ज्हार 187 रपे यानि 11.1-8 फीसद बदेआ ऐ जेड़ा के 16 जनवरी गी 2 लक्ख 87 ज्हार 762 रपे हा। सुन्ने की कीमतें च बी घरेलू ते अंतरराष्ट्री बजार च बड़ी तेजी आई ऐ। फरवरी आस्तै सुन्ने की डिलीवरी 2 ज्हार 560 यानि 1.7-6 फीसद थमां बढ़िए 1 लक्ख 48 ज्हार 199 रपे फही 10 ग्राम बदी गेआ ऐ।

<><><><><><>

Prog. Announcement

आकाशवाणी जम्मू दा क्षेत्रीय समाचार एकांश 77में गणतंत्र दिवस मनाने दे सरबंध च 24 जनवरी 2026 गी 30 मिंटे की अवधि आला इक खास चर्चा कार्यक्रम गी पेश करने जा'रदा ऐ। इस खास कार्यक्रम दा विशे होग 'Our constitution our strength' यानि स्हाड़ा संविधान स्हाड़ी ताकत। एहू खास कार्यक्रम शनिवारें 24 जनवरी दपैहरी साडे 12 बजे प्रसारित कीता जाहगा। ब्रिगेडियर डी.एन पांडे, रक्षा समीक्षक, विजय सहगल, लॉ विभाग जम्मू युनिवर्सिटी दे प्रोफेसर होर इस कार्यक्रम च परौहने होडन जेडे विशे पर अपने बचार सांझा करडन। इस कार्यक्रम की मेजबानी स्हाड़ी समाचार एंकर श्रुति खजूरिया होर करडन।

<><><><><><>

Handloom Ramban

National Handloom development programme राष्ट्री हत्थखड़ी विकास कार्यक्रम एन.एच.डी.पी रामबन बुनकरें गी मुद्रा स्कीम तैहत घट्ट ब्याज उप्पर तकरीबन 6 फीसद बैंक थमा लोन उपलब्ध करोआंदा ऐ। पैहली किशत जारी होने कोला लेइयै मुद्रा स्कीम मते कोला मता 3 बरें तोड़ी लागू हुंदी ऐ। इस असें दरान योग्य बुनकर घट्ट ब्याज दर दा लाहू ठोआंदे न जेदे कन्नै उंदे आस्तै लोन चुकाना आसान होई जंदा ऐ। मती जानकारी दिंदे होई हत्थखड़ी ते दस्तकारी विभाग रामबन दे सहायक निदेशक प्रदीप शान होरें आखेआ

<><><><><><>

Weather Update

भारतीय मौसम विभाग नै मौसम बारे इक चेतावनी आहली सलाह जारी करदे होई आखेया ऐ जे पच्छमी खोदल करी 22 जनवरी शा लेइयै 28 जनवरी तोहड़ी जम्मू-कश्मीर च बड़ी भारी बरखा ते बर्फबारी होई सकदी ऐ। विभाग नै आखेया जे पैहले ते निग्गर मौसमी बदलाव 22 जनवरी ते 24 जनवरी बश्कार दिक्खने गी लब्बी

सकदा ऐ जिसलै के मेद ऐ जे दुआ गेड 26 जनवरी ते 28 जनवरी दे बश्कार अपना असर दस्सी सकदा ऐ। पीर पंजाल- चिनाब घाटी ते दक्खन-कश्मीर दी उच्चियें थ्हारें पर भारी बरखा पौने दी मेद ऐ। विभाग नै आखेया जे ल्हास-पस्सियें- बर्फू दे ल्हास ते तेज ब्हाएं करी- सिड्क ते ब्हाई यातायात प्रभावित होई सकदा ऐ। मैहकमे नै यात्रियें ते करसानें गी सौहगा-सतर्क रौहने आस्तै आखेया ऐ। मुकामी मौसम विभाग दे निदेशक मुख्तार अहमद होरें इस बारे तफसीली जानकारी दिंदे होई आखेया

<><><><><><>